

ԱՐՁԱՆԱԳՐՈՒԹՅՈՒՆ N 12

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՆԻ ՀԱՄԱՅՆՔԻ ԱՎԱԳԱՆՈՒ ԵՐԿՐՈՐԴ ՆՍՏԱՇՐՋԱՆԻ 2023 ԹՎԱԿԱՆԻ ՀՈԿՏԵՄԲԵՐԻ 26-Ի ՀԵՐԹԱԿԱՆ ՆԻՍՏԻ

<<26>> հոկտեմբերի 2023 թ.

քաղաք Մարալիկ

2023 թվականի հոկտեմբերի 26-ին ժամը 15⁰⁰-ին ՀՀ Շիրակի մարզի Անի համայնքի Մարալիկ քաղաքում, Անիի համայնքապետարանի վարչական շենքի նիստերի դահլիճում /հասցե՝ մարզ Շիրակ, Անի համայնք, քաղաք Մարալիկ, Մադաթյան փողոց թիվ 1/ տեղի ունեցավ Հայաստանի Հանրապետության Շիրակի մարզի Անի համայնքի ավագանու հերթական նիստը:

Համայնքի ավագանու նիստը վարում էր Անի համայնքի ղեկավար, ավագանու անդամ՝ Արման Սարիբեկյանը:

Նիստն արձանագրում էր՝ Անիի համայնքապետարանի աշխատակազմի քարտուղար՝ Հարություն Համբարյանը:

Զեկուցողը նշեց, որ <<Տեղական ինքնակառավարման մասին>> Հայաստանի Հանրապետության օրենքի 62-րդ հոդվածի 1-ին մասի համաձայն, համայնքի ավագանու հերթական երկրորդ նստաշրջանը սկսվում է սեպտեմբերի երկրորդ երեքշաբթի օրվանից մինչև դեկտեմբերի վերջին չորեքշաբթին: Նստաշրջանի ընթացքում յուրաքանչյուր ամիս հրավիրվում է ավագանու առնվազն մեկ նիստ: Համաձայն համայնքի ավագանու 2023 թվականի ապրիլի 28-ի N 7-Ա որոշման, համայնքի ավագանու նստաշրջանների գումարման համայնքի ավագանու հերթական նիստերի անցկացման օր է սահմանվել յուրաքանչյուր ամսի վերջին հինգշաբթին, այսինքն այսօր՝ հոկտեմբերի 26-ին:

Մինչև օրակարգային հարցերի քննարկմանը անցնելը, զեկուցողը տեղեկացրեց, որ <<ՀԱՅԿԱԿԱՆ ԵՐԱՋԱՆՔ>> կուսակցությունից Անի համայնքի ավագանու անդամ ընտրված Գայանե Գառնիկի Ավեյանի կողմից 2023 թվականի հոկտեմբերի 4-ին Անի համայնքի ղեկավարին է ներկայացվել դիմում՝ Անի համայնքի ավագանու իր լիազորությունները վաղաժամկետ դադարեցնելու մասին:

<<Տեղական ինքնակառավարման մասին>> Հայաստանի Հանրապետության օրենքի 70-րդ հոդվածի 1-ին մասի 6-րդ կետի և 4-րդ մասի համաձայն, իմ կողմից 2023 թվականի հոկտեմբերի 9-ին կազմվել է արձանագրություն՝ հրաժարականի դիմումի հիմքով, 2023 թվականի հոկտեմբերի 9-ից <<ՀԱՅԿԱԿԱՆ ԵՐԱՋԱՆՔ>> կուսակցությունից Հայաստանի Հանրապետության Շիրակի մարզի Անի համայնքի ավագանու անդամ ընտրված Գայանե Գառնիկի Ավեյանի Անի համայնքի ավագանու անդամի լիազորությունները վաղաժամկետ դադարեցնելու վերաբերյալ և այն ներկայացվել է թիվ 33 ընտրատարածքային ընտրական հանձնաժողովին: Վերջինիս 2023 թվականի հոկտեմբերի 12-ի թիվ 16 արձանագրության

համաձայն, Անի համայնքի ավագանու <<ՀԱՅԿԱԿԱՆ ԵՐԱԶԱՆՔ>> կուսակցության ընտրական ցուցակից ընտրված և լիազորությունները վաղաժամկետ դադարեցված ավագանու անդամի մանդատը տրվել <<ՀԱՅԿԱԿԱՆ ԵՐԱԶԱՆՔ>> կուսակցության ընտրական ցուցակի հերթական հաջորդ թեկնածու՝ Հասմիկ Գագիկի Սիմոնյանին:

Թույլ տվեք շնորհավորել Հասմիկ Սիմոնյանին <<ՀԱՅԿԱԿԱՆ ԵՐԱԶԱՆՔ>> կուսակցությունից Անի համայնքի ավագանու անդամ ընտրվելու կապակցությամբ և ցանկանալ արդյունավետ աշխատանք՝ ավագանու անդամի իր լիազորությունների կատարման գործում:

Նիստին մասնակցում էին՝ <<ՔԱՂԱՔԱՑԻԱԿԱՆ ՊԱՅՄԱՆԱԳԻՐ>> կուսակցության Անի համայնքի ավագանու անդամներ՝

1. ԱՐՄԱՆ ՍԱՐԻԲԵԿՅԱՆԸ,
2. ԷԴԳԱՐ ՍԱՂԱԹԵԼՅԱՆԸ,
3. ՌՈՒԶԱՆՆԱ ԱՐՇԱԿՅԱՆԸ,
4. ԷԴԻԿ ՈՒՌՈՒՏՅԱՆԸ
5. ԱՐՏԱԿ ՇԱԲՈՅԱՆԸ,
6. ՀԱՍՄԻԿ ԶԱՏԻԿՅԱՆԸ,
7. ԳԱԳԻԿ ԹԱԹԵՎՈՍՅԱՆԸ,
8. ԳՈՌ ԱՂԱԲԵԿՅԱՆԸ
9. ԺԻՐԱՅԻ ԱԼԵՔՅԱՆԸ
10. ՆԱԻՐԱ ՍԱՐՈՅԱՆԸ,
11. ՄԵՐՐԻ ԵՆՈՔՅԱՆԸ:

Համայնքի ավագանու նիստին անհարգելի բացակայում էին՝

<<ԱԶԳ-ՀԱՄԱՅՆՔ>> ԿՈՒՍԱԿՑՈՒԹՅՈՒՆՆԵՐԻ ԴԱՇԽՆՔԻ Անի համայնքի ավագանու

անդամներ՝

1. ԱՐՏԱԿ ՍԱՎԵԼԻ ԳԵՎՈՐԳՅԱՆԸ,
2. ԱՎԵՏԻՔ ԱՐՏՈՒՇԻ ՆԱԶԱՐՅԱՆԸ,
3. ԿԱՏՅԱ ԶԻՎԱՆԻ ՆԱԽՇՔԱՐՅԱՆԸ,
4. ՆԱՐԵԿ ԳԵՎՈՐԳԻ ՆԻԿՈՅԱՆԸ,
5. ԶԱՎԵՆ ԱՆԴՐԱՆԻԿԻ ՍԱՐԳՍՅԱՆԸ,
6. ՆԱՐԻՆԵ ՍԵԴՐԱԿԻ ՄԿՈՅԱՆԸ,
7. ԱՆՆԱ ՀԱԿՈՔԻ ԱՎԴԱԼՅԱՆԸ: